

四庫全書

子部

欽定四庫全書

薛氏醫案卷八

明薛己撰

原機啓微

君臣佐使逆從反正說

君為主臣為輔佐為助使為用置方之原也逆則攻從則順反則異正則宜治病之法也必熱必寒必散必收者君之主也不宣不明不授不行者臣之輔也能受能

令能合能力者佐之助也或擊或發或劫或開者使之
用也破寒必熱逐熱必寒去燥必濡除濕必泄者逆則
攻也治驚須平治損須溫治留須收治堅須潰者從則
順也熱病用寒藥而導寒攻熱者必熱陽明病發熱大
便鞭者大承氣湯酒制大黃熱服之類也寒病用熱藥
而道熱去寒者必寒少陰病下利服附子乾薑不止者
白通湯加人尿豬膽之類也塞病用通藥而導通除塞
者必寒腦滿煩驚小便不利者柴胡加龍骨牡蠣湯之

類也通藥用塞藥而導塞止通者必通太陽中風下利
心下痞鞭者十棗湯之類也反則異也治遠以大治近
以小治主以緩治客以急正則宜也至真要論曰辛甘
發散為陽酸苦涌泄為陰鹹味涌泄為陰淡味滲泄為
陽六者或收或散或緩或急或燥或濕或奠或堅所以
利而行之調其氣使其平故味之薄者為陰中之陽味
薄則通酸苦鹹平是也氣之厚者為陽中之陽氣厚則
熱辛甘濕熱是也氣之薄者為陽中之陰氣薄則發泄

辛甘淡平寒涼是也味之厚者為陰中之陰味厚則泄
酸苦鹹寒是也易曰同聲相應同氣相求水流濕火就
燥雲從龍風從虎聖人作而萬物覩本乎天者親上本
乎地者親下則各從其類也故置方治病如後

芍藥清肝散方治眇多燥緊澁羞明赤脉貫睛臟腑秘
結者

白朮

分三川芎

分三防風

分三甘草

分二荆芥

分二桔梗

分二

分三羌活

分三芍藥

分二

分二柴胡

分二前胡

分二薄荷

分二

黃芩

二分半

山梔

二分

知母

二分

滑石

三分

石膏

三分

大黃

四分

芒硝

三分半

共十八味通咬咀都作一服水二鍾煎至一鍾食後熱服

右為方治淫熱反尅而作也風熱不制之病熱甚大便鞭者從權用之蓋苦寒之藥也苦寒敗胃故先以白朮之甘溫甘草之甘平主胃氣為君次以川芎防風荆芥桔梗羌活之辛溫升散清利為臣又以芍藥前胡柴胡之微苦薄荷黃芩山梔之微苦寒且導且攻為佐終以知母滑石石

膏之苦寒大黃芒硝之大苦寒祛逐淫熱為使大便不鞭者減大黃芒硝此逆則攻之治法也大熱服者反治也
通氣利中丸 治證上同

白朮

一兩

白芷

半兩

羌活

半兩

黃芩

一兩

滑石

取末另入

一兩半

兩半

兩半

大黃

二兩

牽牛

取末

一兩半

除滑石牽牛另研極細末外餘合為細末入上藥和勻滴水為丸如桐子大每服三十九加至百丸食後臨睡茶湯送下

右方以白朮苦甘溫除胃中熱為君白芷辛溫解利
羌活苦甘平微溫通利諸節為臣黃芩微苦寒療熱
滋化滑石甘寒滑利小便以分清濁為佐大黃苦寒
通大便瀉諸實熱牽牛苦寒一說味辛利大便除風
毒為使逆攻之法也風熱不制之病熱甚而大便秘
者亦可兼用然牽牛有毒非神農藥今與大黃並用
者取其性猛烈而快也大抵不宜久用久用傷元氣
蓋從權之藥也量虛實加減

黃連天花粉丸 治同前

黃連

一两

天花粉

四两

菊花

一两

川芎

一两

薄荷

一两

連翹

二两

黃芩

四两

梔子

四两

黃蘗

六两

為細末滴水為丸如梧桐子大每服五十九加至百

丸食後臨睡茶湯下

右方為淫熱反尅臟腑不秘結者作也風熱不制之病稍熱者亦可服以黃連天花粉之苦寒為君菊花之苦甘平為臣川芎之辛溫薄荷之辛苦為佐連翹

黃芩之苦微寒黃蘗梔子之苦寒為使合之則除熱
清利治目赤腫痛

黃連盧甘石散 治眼眵破爛畏日羞明餘治上同

盧甘石 一 黃連 一 龍腦 量入

先以盧甘石置巨火中煨通紅為度另以黃連用水
一碗磁器盛貯納黃連於水內却以通紅盧甘石淬
七次就以所貯磁器置日中晒乾然後同黃連研為
細末欲用時以一二兩再研極細旋量入龍腦每用少

許井花水調如糊糊臨睡以筋頭蘸付破爛處不破爛者點眼內昔銳昔尤佳不宜使入眼內

右方以盧甘石收濕除爛為君黃連苦寒為佐龍腦去熱毒為使諸目病者俱可用病宜者治病不宜者無害也奇經客邪之病量加朴硝泡湯滴眼瘕肉黃赤脂上

龍腦黃連膏 治目中赤脉如火溜熱炙人餘治上同

黃連

半龍腦一

先剉黃連令碎以水三大碗貯磁器內入黃連於中
用文武火慢熬成大半碗濾去滓入薄磁碗內重湯
頓成膏半觔許龍腦以一錢為率用則旋量入之以
筋頭點入眼內不拘時

右方以黃連治目痛解諸毒為君龍腦去熱毒為臣
乃君臣藥也諸目痛者俱宜用

麤仁春雪膏 治紅赤羞明眵淚癢痛沙澁

麤仁 去油
四錢 龍腦 五分

先以麩仁研細入龍腦和勻用生好真蜜一錢二分
再研調勻每用筋頭點內眥銳眥

右方以龍腦除熱毒為君生蜜解毒和百藥為臣麩
仁去暴熱治目痛為使此藥與黃連盧甘石散龍腦
黃連膏子並用

嗜鼻碧雲散 治腫脹紅赤昏暗羞明癢澁疼痛風癢
鼻塞頭痛腦酸外翳攀睛眵淚稠粘

鷲不食草二錢 青黛 川芎 各一錢

為細末先噙水滿口每用如米許啗入鼻內以淚出
為度不拘時候

右方以鷲不食草解毒為君青黛去熱為佐川芎大
辛除邪破留為使升透之藥也大抵如開鍋蓋法常
欲使邪毒不閉令有出路然力少而銳嗜之隨効宜
常嗜以聚其力諸目病俱可用

羌活勝風湯 治眇多眊燥緊澁羞明赤脉貫睛頭痛
鼻塞腫脹涕淚腦巔沉重眉骨酸疼外翳如雲霧絲縷

秤星螺盖

白朮

分五枳殼

羌活

川芎

白芷

獨活

防

風

前胡

桔梗

薄荷

分各四

荆芥

甘草

分各三

柴胡

分七黃芩

分五

作一服水二盞煎一盞去滓熱服

右方為風熱不制而作也夫竅不利者皆脾胃不足之證故先以白朮枳殼調治胃氣為君羌活川芎白芷獨活防風前胡諸治風藥皆主升發為臣桔梗除

寒熱薄荷荊芥清利上焦甘草和百藥為佐柴胡解
熱行少陽厥陰經黃芩療上熱主目中赤腫為使又
治傷寒愈後之病熱服者熱性炎上令在上散不令
流下也生翳者隨翳所見經絡加藥翳凡自內眥而
出者加蔓荊子治太陽經加蒼朮去小腸膀胱之濕
內眥者手太陽足太陽之屬也自銳眥而入客主人
斜下者皆龍膽草為膽草味苦與膽味合小加人參
益三焦之氣加藁本乃太陽經風藥銳眥客主人者

足少陽手少陽手太陽之屬也凡自目系而下者倍加柴胡行肝氣加黃連瀉心火目系者足厥陰手少陰之屬也自抵過而上者加木通導小腸中熱五味子酸以收斂抵過者手太陽之屬也

杏仁龍膽草泡散 治風上攻眊赤癢

龍膽草 當歸尾 黃連 滑石

另研取末

杏仁去皮

赤芍藥

各一錢

以白沸湯泡頓蘸洗冷熱任意不拘時候

右方以龍膽草黃連苦寒去熱毒為君當歸尾行血
杏仁潤燥為佐滑石甘寒泄氣赤芍藥苦酸除癢為
使惟風癢者可用

柴胡復生湯 治紅赤羞明淚多眇少腦巔沉重睛珠
痛應太陽眼睫無力常欲垂閉不敢久視久視則酸疼
翳陷下所陷者或圓或方或長或短如縷如錐如鑿

藁本三分 川芎三分 白芍藥四分 蔓荊子三分 羌活

半 獨活三分 白芷三分 柴胡六分 炙草四分 薄荷四分

桔梗五味子

分四粒二十

蒼朮

茯苓

黃芩

各五

分

作一服水二盞煎至一盞去滓食後熱服

右方以藁本蔓荊子為君升發陽氣也川芎白芍藥
羌活獨活白芷柴胡為臣和血補血療風行厥陰經
也甘草五味子為佐為協諸藥斂藏氣也薄荷桔梗
蒼朮茯苓黃芩為使為清利除熱去濕分上下實脾
胃二土療目中赤腫也此病起自七情五賊勞役饑

飽故使生意下陷不能上升今主以羣隊升發輔以和血補血導入本經助以相協收斂用以清利除熱實脾胃如此為治理可推也睛珠痛甚者當歸養榮湯主之

當歸養榮湯 治睛珠痛甚不可忍餘治並全上

防風 七分半 白芷 七分半 白芍藥 一錢 熟地黄 一錢 當歸 一錢

川芎 一錢半 羌活 七分半

作一服水二盞煎至一盞去滓食後熱服

右方以七情五賊勞役饑飽重傷脾胃脾胃者多血
多氣之所脾胃受傷則血亦病血養睛睛珠屬腎今
生意已不升發又復血虛不能養睛故睛痛甚不可
忍以防風升發生意白芷解利引入胃經為君白芍
藥止痛益氣通血承接上下為臣熟地黃補腎水真
陰為佐當歸川芎行血補血羌活除風引入少陰經
為使血為邪勝睛珠痛者及亡血過多之病俱宜服
也服此藥後睛痛雖除眼眵無力常欲垂閉不減者

助陽活血湯主之

助陽活血湯 治眼眵無力常欲垂閉餘治全上

黃耆

五分

炙草

五分

當歸

五分

白芷

四分

蔓荊子

四分

防風

五分

升麻

七分

柴胡

七分

作一服水二盞煎至一盞去渣稍熱服

右方以黃耆治虛勞甘草補元氣為君當歸和血補
血為臣白芷蔓荊子防風主療風升陽氣為佐升麻
導入足陽明足太陰脾胃柴胡引至足厥陰肝經為

使心火乘金水衰反制者亦宜服也有熱者兼服黃連羊肝丸

黃連羊肝丸 治目中赤脉紅甚眵多餘治全上

黃連 白羯羊肝一箇

先以黃連研為細末將羊肝以竹刀刮下如糊除去筋膜入搗盆中研細入黃連末為丸如梧桐子大每服三五十九加至七八十九茶清湯下

右方以黃連除熱毒明目為君以羊肝肝與肝合引

入肝經為使不用鐵與刀者忌鐵器也金尅木肝乃木也一有金氣肝則畏而不受蓋專治肝經之藥非與羣隊者比也肝受邪者並皆治之睛痛者加當歸決明益陰丸 治畏日惡火沙澁難開眵淚俱多久病亦不痊者並皆療之餘治全上

羌活

五錢

獨活

五錢

黃連

酒製一兩

防風

五錢

黃芩

一兩

歸尾

酒製

五錢五味子

五錢石決明

煨三錢

草決明

一兩

甘草

炙五錢

黃

藥

一兩

知母

一兩

為末煉蜜丸桐子大每服五十九加至百丸茶湯下
右方以羌活獨活升清陽為君黃連去熱毒當歸尾
行血五味子收斂為臣石決明明目磨障草決明益
腎療盲防風散治祛風黃芩去目中赤腫為佐甘草
相和諸藥黃蘗助腎水知母瀉相火為使此蓋益水
抑火之藥也內急外弛之病並皆服之

川芎行經散 治目中青黯如物傷狀重者白睛如血

貫

枳殼

分六

炙草

分六

白芷

分四

防風

分四

荆芥

分四

薄荷

分四

獨

活

分四

川芎

分六

當歸

分六

紅花

許少

柴胡

分六

茯苓

分三

蔓荆

子

分四

羌活

分四

桔梗

分五

作一服水二盞煎至一盞去渣大熱服食後

右方以枳殼甘草和胃氣為君白芷防風荆芥薄荷

獨活療風邪升胃氣為臣川芎當歸紅花行滯血柴

胡去結氣茯苓分利除濕為佐蔓荆子羌活引入太

陽經桔梗利五臟為使則胃脉調小腸膀胱皆邪去

凝行也見熱者以消凝大九子主之

消凝大九子

治證全上或有眵淚沙澁者並皆療之

川芎

當歸

各七錢

防風

荆芥

羌活

藁本

薄荷

各半兩

桔梗

七錢

甘草

七錢

滑石

石膏

白朮

黃芩

山梔

各一兩

連翹

菊花

各七錢

先將滑石石膏另研餘作細末和勻煉蜜為劑每劑一兩分八九每服一九或二九茶湯嚼下

右方消凝滯藥也君以川芎當歸治血和血臣以羌

活防風荆芥藁本薄荷桔梗療風散邪引入手足太陽經佐以白朮甘草滑石石膏調補胃虛通泄滯氣除足陽明經熱使以黃芩山梔連翹菊花去熱除煩淫反尅風熱不制者俱宜服也

千金磁硃丸 治神水寬大漸散昏如霧露中行漸靚空中有黑花漸靚成物二體久則光不收及內障神水淡綠色淡白色者

磁石 吸針者
辰砂 一兩
神麩 兩

先以磁石置巨火中煨醋淬七次晒乾另研極細二
兩辰砂另研極細一兩生神麩末三兩與前藥和勻
更以神麩末一兩水和作餅煮浮為度搜入前藥煉
蜜為丸如梧桐子大每服一十九加至三十九空心
飯湯下

右方以磁石辛鹹寒鎮墜腎經為君令神水不外移
也辰砂微甘寒鎮墜心經為臣肝其母比子能令母
實也肝實則目明神麩辛溫甘化脾胃中宿食為佐

生用者發其生氣熟用者斂其暴氣也服藥後俯視
不見仰視漸覩星月者此其効也亦治心火乘金水
衰反制之病久病累發者服之則永不更作空心服
此午前更以石斛夜光丸主之

石斛夜光丸 治證上全

天門冬

焙

人參

茯苓

各二兩

五味

炒半兩

乾菊花

七錢

麥門冬

一兩

熟地黃

一兩

兔絲子

酒浸七錢

乾山藥

枸杞

七牛膝

浸七錢半

杏仁

去皮尖七錢半

生地黄

一兩

蒺藜

石斛

菴蓉 川芎 炙草 枳殼炒麩 青箱子 防風

黃連

各半兩

草決明

八錢 烏犀

鎊半兩

羚羊角

鎊半兩

為細末煉蜜丸桐子大每服三五丸溫酒鹽湯任

下

右方美補藥也補上治下利以緩利以久不利以速也故君以天門冬人參兔絲子之通腎安神強陰填精也臣以五味子麥門冬杏仁茯苓枸杞子牛膝生熟地黃之斂氣除濕涼血補血也佐以甘菊花蒺藜

石斛肉苁蓉川芎甘草枳殼山藥青箱子之療風治
虛益氣祛毒也。使以防風黃連草決明羚羊角生烏
犀之散滯泄熱解結明目也。陰弱不能配陽之病並
宜服之。此從則順之治法也。

益陰補氣丸 治證上全

熟地黄

三兩 歸尾

酒製 半兩

牡丹皮

五味子

乾山藥

各半

茯苓

澤瀉

各二錢 五分

生地黄

酒製炒 四兩

山茱萸

半

柴胡

兩

為未煉蜜丸如桐子大水飛辰砂為衣每服五七十丸空心淡鹽湯下

右方壯水之主以鎮陽光氣為怒傷散而不聚也氣病血亦病也肝得血而後能視又目為心之竅心主血故以熟地黃補血衰當歸尾行血牡丹皮治積血為君茯苓和中益真氣澤瀉除濕瀉邪氣生地黃補腎水真陰為臣五味子補五臟乾山藥平氣和胃為佐山茱萸強陰益精通九竅柴胡引入厥陰經為使

蜜劑者欲泥膈難下也辰砂為衣者為通於心也然
必兼千金磁硃丸服之庶易為效

滋陰地黃丸 治證上全多眊者並皆治之

黃連

一兩黃芩

半兩歸身

酒製

生地黃

酒製

熟地黃

半兩

五味子

三錢人參

二錢天門冬

焙

炙草

三錢地骨皮

二錢

枳殼

三錢柴胡

三錢

為細末煉蜜丸如桐子每服百丸食後茶湯下日三

服

右方治主以緩緩則治其本也以黃連黃芩苦寒除邪氣之盛為君當歸身辛溫生熟地黃苦甘寒養血涼血為臣五味子酸寒體輕浮上收神水之散大人參甘草地骨皮天門冬枳殼苦甘寒瀉熱補氣為佐柴胡引用為使也亡血過多之病有熱者亦宜服

防風散結湯 治目上下瞋隱起肉疣用手法除病後服之

防風

羌活

白芍藥

歸尾

各五分

紅花

蘓木

各少 茯苓 蒼朮 獨活 前胡 黃芩 各五分 灸

草防已

作一服水二盞煎至一盞熱服查再煎

右方以防風羌活升發陽氣為君白芍藥當歸尾紅
花蘇木破凝行血為臣茯苓瀉邪氣蒼朮去上濕前
胡利五臟獨活除風邪黃芩療熱滋化為佐甘草和
諸藥防已行十二經為使病在上眩者加黃連柴胡
以其手少陰足厥陰受邪也病在下眩者加藁本蔓

荆子以其手太陽受邪也

竹葉瀉經湯 治眼目癢澁稍覺眊睩視物微昏內眦

開竅如鍼目痛按之浸浸膿出

柴胡 梔子 羌活 升麻 炙草各五分 赤芍藥

草決明 茯苓各四分 車前子四分 黃芩六分 黃連五分

大黃五分 青竹葉一片 澤瀉四分

作一服水二盞煎至一盞食後稍熱服

右方逆攻者也先以行足厥陰肝足太陽膀胱之藥

為君柴胡羌活是也二經生意皆總於脾胃以調足
太陰足陽明之藥為臣升麻甘草是也肝經多血以
通順血脉除肝邪之藥膀胱經多濕以利小便除膀
胱濕之藥為佐赤芍藥草決明澤瀉茯苓車前子是
也總破其積熱者必攻必開必利必除之藥為使梔
子黃芩黃連大黃竹葉是也

蜜劑解毒丸 治證上全

杏仁 去皮尖二
兩另研 山梔 一十
兩末 石蜜 煉一
大黃 五兩
末

蜜丸如梧桐子大每服三十九加至百丸茶湯下

右方以甘潤治燥為君為燥為熱之原也山梔子微苦寒治煩為臣為煩為熱所產也石蜜甘平溫安五臟為佐為其解毒除邪也大黃苦寒性走不守瀉諸實熱為使為攻其積不令其重疊不解也

決明夜靈散 治日至夜則昏雖有燈月亦不能視

石決明 另研 夜明沙 另研 猪肝 一兩生用不食猪

之

二藥末和勻以竹刀切肝作二片以上藥鋪於一片肝上以一片合之用麻皮纏定勿令藥得泄出淘米泔水一大碗貯沙罐內不犯鐵器入肝藥於中煮至小半碗臨睡連肝藥汁服之

右方以決明鎮腎經益精為君夜明沙升陽主夜明為臣米泔水主脾胃為佐肝與肝合引入肝經為使冲和養胃湯 治內障初起視覺微昏空中有黑花神水變淡綠色次則視岐覩一成二神水變淡白色久則

不覩神水變純白色

柴胡

錢七人參一兩當歸酒浸

一兩五味子二錢

白芍藥六錢白

茯苓

三錢羌活一兩

炙草一兩

防風半兩

黃芪一兩

白朮

一兩升麻一兩葛根一兩乾生薑一錢

每服六錢水三盞煎至二盞入黃芩黃連各一錢再

煎至一盞去滓稍熟食後服

右方因肝木不平內挾心火故以柴胡平肝人參開心黃連瀉心火為君酒製當歸榮百脉五味斂百脉

關沸心包絡主血白芍藥順血脉散惡血為臣白茯苓瀉膀胱之濕羌活清利小腸之邪甘草補三焦防風升膽之降為佐陰陽皆總於脾胃黃芪補脾胃白朮健脾胃升麻葛根行脾胃之經黃芩退壯火乾生薑入壯火為導為使此方逆攻從順反異正宜俱備

益氣聰明湯 治證上全并治耳聾耳鳴

黃芪半 人參半 甘草五分 升麻三分 葛根三錢 蔓荊子

錢 芍藥一錢 黃栢酒炒 一錢

每服四錢水二盞煎至一盞去渣臨睡熱服五更再煎服

右方以黃耆人參之甘溫治虛勞為君甘草之甘平承接和協升麻之苦平微寒行手陽明足陽明足太陽之經為臣葛根之甘平蔓荊子之辛溫皆能升發為佐芍藥之酸微寒補中焦順血脉黃蘗之苦寒治腎水膀胱之不足為使酒製又炒者因熱用也或有熱可漸加黃蘗春夏加之盛暑倍加之加多則不效

脾胃虛者去之熱倍此者瀉熱黃連湯主之

瀉熱黃連湯 治內障症全上有眵淚眊

黃芩

酒炒

黃連

酒洗

柴胡

酒炒

生地黃

酒洗

升麻

半兩
龍膽草 三錢

每服三錢水二盞煎至一盞去滓午食前熱服午後服之則陽逆不行臨睡休服為反助陰也

右方治主治客之劑也治主者升麻主脾胃柴胡行肝經為君生地黃涼血為臣為陽明太陰厥陰多血

故也治客者黃連黃芩皆療濕熱為佐龍膽草專除
眼中諸疾為使為諸濕熱俱從外來為客也

還陰救苦湯 治日久病白睛微變青色黑睛稍帶白
色黑白之間赤環如帶謂之抱輪紅視物不明昏如霧
露中睛白高低不平其色如死甚不光澤口乾舌苦眇
多羞澁上焦應有熱邪

升麻

兩半

蒼朮

兩半

甘草

兩半

柴胡

兩半

防風

兩半

羌活

兩半

細辛

錢二

藁本

錢四

川芎

兩一

桔梗

兩半

紅花

錢一

歸尾

錢七

黃

連黃苓 黃蘗 知母 生地黃 連翹

各半兩

龍膽草

三錢

每服七錢水一盞煎至一盞去滓熱服

右方以升麻蒼朮甘草諸主元氣為君為損者溫之也以防風柴胡羌活細辛藁本諸升陽化滯為臣為結者散之也以川芎桔梗紅花當歸尾諸補行血脉為佐為留者行之也以黃連黃芩黃蘗知母連翹生地黃龍膽草諸去除熱邪為使為客者除之也奇經

客邪之病強陽搏實陰之病服此亦具驗

菊花決明散 治症上全

草決明

石決明

東流水煮一伏時
另研極細入藥

木賊草

防

風 羌活

蔓荊子

甘菊花

甘草

炙川芎

石膏

另研極
細入藥

黃芩

各半
兩

為細末每服二錢水盞半煎八分連末服食後

右方以明目除翳為君者草決明石決明木賊草也

以散風升陽為臣者防風羌活蔓荊子甘菊花也以

和氣順血為佐者甘草川芎也以療除邪熱為使者
黃芩石膏也內急外弛之病亦宜其治

神驗錦鳩丸 治症上同兼口乾舌苦眵多羞澁上焦

邪熱

甘菊花 半兩 草決明 三兩 麩仁 去皮三兩 牡礪 洗火煨粉半兩 黃連

蒺藜 炒去尖五兩 防風 五兩 羌活 三兩 細辛 五兩 藿麥 三兩 白

茯苓 四兩 肉桂 二兩 斑鳩 一箇 跌死 去皮 毛腸嘴 羊

肝 一箇 竹刀 薄批炙 蔓菁子 二升 淘淨 絹袋盛

令焦忌用鉄刀

甑蒸一伏時晒乾

為細末煉蜜為劑杵五百下丸如桐子大每服二十丸加至三五十丸空心溫湯下

右方以甘菊花草決明主明目為君以蕤仁牡蠣黃連蒺藜除濕熱為臣以防風羌活細辛之升上藿藜茯苓之分下為佐以斑鳩補腎羊肝補肝肉桂導羣藥入熱邪為使此方制之大者也腎肝位遠服湯藥散不厭頻多之義也

萬應蟬花散 治證上全

蟬蛻去上 蛇蛻錢三 川芎 防風 羌活 炙草

各一兩 蒼朮四兩 赤芍藥二兩 當歸一兩 白茯苓一兩 石決明

東流水煮一伏 另研極細兩半

為細末每服二錢食後臨卧時濃米泔調下熱茶清亦可

右方制之服者也奇之不去則偶之是為重方也今用蟬蛻又用蛇蛻者取其重蛻之義以除翳為君也川芎防風羌活皆能清利頭目為臣也甘草蒼朮通

主脾胃又脾胃多氣多血故用赤芍藥補氣當歸補血為佐也石決明鎮墜腎水益精還陰白茯苓分陰陽上下為使也亦治奇經客邪之病

黃芪防風飲子 治眼稜緊急以致倒睫拳毛損睛生

翳及上下瞼皆赤爛羞澁難開眵淚稠粘

蔓荊子五分 細辛二分 葛根一分 炙草一分 黃芪一分 防風一分

錢一分 黃苓五分

作一服水二盞煎至一盞去滓大熱服

右方以蔓荊子細辛為君除手太陽手少陰之邪肝
為二經之母子平母平此實則瀉其子也以甘草葛
根為臣治足太陰足陽明之弱肺為二經之子母薄
子單此虛則補其母也黃芪實皮毛防風散滯氣用
之以為佐黃芩療濕熱去目中赤腫為之使也

無比蔓荊子湯 治證上全

黃耆一錢人參一錢黃連七分柴胡七分蔓荊子五分當歸五分

葛根五分防風五分生草一錢細辛葉三分

作一服水二盞煎至一盞去滓稍熱服

右方為肺氣虛耶黃芪人參實之為君心受邪耶黃連除之肝受邪耶柴胡除之小腸受邪耶蔓荊子除之為臣當歸和血葛根解除為佐防風療風散滯生甘草大瀉熱火細辛利九竅用葉者取其升上之意為使也

撥雲退翳丸

治陽躄受邪內眚即生赤脉縷縷根生

瘀肉瘀肉生黃赤脂脂橫侵黑睛漸蝕神水銳眚亦然

俗名攀睛

川芎

一兩五錢

菊花

一兩

蔓荊子

二兩

蟬蛻

一兩

蛇蛻

三錢

蜜

蒙花

二兩

薄荷葉

半兩

木賊草

去節二兩

荊芥穗

一兩

黃連

半兩

楮桃仁

一兩

地骨皮

一兩

天花粉

六錢

炙草

三錢

川椒皮

一錢

當歸

一兩五錢

白茯苓

去刺炒一兩半

為細末煉蜜成劑每兩作八九每服一九食後臨睡

細嚼茶清下

右方為竒經客邪而作也八十一難經曰陽躄脉者

起於跟中循外踝上行入風池風池者腦戶也故以
川芎治風入腦以菊花治四肢游風一療其上一平
其下為君蔓荊子除手太陰之邪蟬蛻蛇蛻木賊草
蜜蒙花除鬱為臣薄荷葉荊芥穗白茯苓藜藜諸療風
者清其上也楮桃仁地骨皮諸通小便者利其下也
為佐黃連除胃中熱天花粉除腸中熱甘草和協百
藥川椒皮利五臟明目諸所病處血亦病故復以當
歸和血為使也楮桃仁即楮實子也

梔子勝奇散 治症全上并有眵淚羞澁難開

蛇蛻 草決明 川芎 荆芥穗 蒺藜炒 穀精

草 菊花 防風 羌活 蜜蒙花 甘草炙 蔓

荆子 木賊草 山梔子 黃芩各三分

為細末每服二錢食後臨睡熱茶清調下

右方以蟬蛻之醎寒草決明之醎苦為味薄者通通者通其經絡也川芎荆芥穗之辛溫白蒺藜穀精草之苦辛溫菊花之苦甘平防風之甘辛為臣為氣辛

者發熱發熱者升其陽也羌活之苦甘溫蜜蒙花之
甘微寒甘草之甘平蔓荊子之辛微寒為佐為氣薄
者發泄發泄者清利其諸關節也以木賊草之甘微苦
山梔子黃芩之微苦寒為使為厚味者泄泄者攻其
壅滯有餘也

磨障靈光膏 治症上全

黃連

剉如豆大一兩童便浸一宿晒為末

黃丹

水飛三兩當歸二錢取細末

麝

香

另研末五分

乳香

另研末五分

輕粉

另研一錢

硼砂

另研一錢

白

丁香

取末一錢

龍腦

少許末

海螵蛸

取末一錢

盧甘石

六兩另以一兩

黃連剉置水中燒盧甘石通紅淬七次

先用好白沙蜜一十兩或銀器沙鍋內熬五七沸以淨紙搭去臘面除黃丹外下餘藥用柳木攪勻次下黃丹再攪慢火徐徐攪至紫色却將乳香麝香輕粉硃砂和勻入上藥內以不粘手為度急丸如皂角刺大以紙裹之每用一九新汲水化開旋入龍腦少許時時點翳上

右方以黃連去邪熱主明目為君以黃丹除熱除毒
盧甘石療濕收散為臣以當歸和血脈麝香乳香諸
香通氣輕粉殺瘡為佐以硃砂之能消海螵蛸之磨
翳白丁香之主病不移龍腦之除赤脈去外障為使
也

消翳復明膏 治症上全

黃丹

水飛四兩

青鹽

一兩另研

白沙蜜

一兩

訶子

八箇去核取末

海螵

蛸

三錢取末

先將蜜熬數沸淨紙搭去臘面却下黃丹用棍攪勻
旋下餘藥將至紫色取出

黃連

十兩

麩仁

半兩

木賊草

一兩

龍膽草

二兩

杏仁

七十五箇去皮

尖

通入磁器內水一斗浸之春秋五日夏三日冬十日
入鍋內文武火熬至小半升濾去渣重湯頓成膏子
却入前藥熬之攪成紫色入龍腦一錢每用少許點
上藥乾淨水化開用

右方以黃連為君為療邪熱也蕤仁杏仁龍膽草為
臣為除赤痛潤煩燥解熱毒也黃丹青鹽龍腦白沙
蜜為佐為收濕爛益腎氣療赤腫和百藥也柯子海
螵蛸木賊草為使為溢則不移消障磨翳也

除風益損湯 治目為物傷者

熟地黃 當歸 白芍藥 川芎各一錢 藁本 前

胡 防風各七分

作一服水二盞煎至一盞去滓大熱服

右方以熟地黄補腎水為君黑睛為腎之子此虛則
補其母也以當歸補血為目為血所養今傷則血病
白芍藥補血又補氣為血病氣亦病也為臣川芎治
血虛頭痛藁本通血去頭風為佐前胡防風通療風
邪俾不凝留為使兼治亡血過多之病傷於眉骨者
病自目系而下以其手少陰有隙也加黃連療之傷
於頰者病自抵過而上傷於耳者病自銳眚而入以
其手太陽有隙也加柴胡療之傷於額交顛耳上角

及腦者病自內眥而出以其足太陽有隙也加蒼朮
療之傷於耳後耳角耳前者病自客主人斜下傷於
頰者病自銳眥而入以其足少陽有隙也加龍膽草
療之傷於額角及巔者病自目系於下以其足厥陰
有隙也加五味子療之凡傷甚者從權倍加大黃瀉
其敗血眇多淚多羞澁赤腫者加黃芩療之

加減地黃丸 治症上全

生地黃

半

熟地黃

半

牛膝

當歸

各三

枳殼

二

杏

仁一羌活

防風

各一兩

為細末煉蜜為丸如桐子大每服三十丸空心食前
溫酒送下淡鹽湯亦可

右方以地黃補腎水真陰為君夫腎水不足者相火
必盛故生熟地黃退相火也牛膝逐敗血當歸益新
血為臣麩炒枳殼和胃氣謂胃為多血生血之所是
補其原杏仁潤燥謂血少生燥為佐羌活防風俱升
發清利大除風邪為七情五賊饑飽勞役之病睛痛

者與當歸養榮湯兼服傷寒愈後之病及血少血虛
血亡之病俱宜服也

人參補陽湯 治傷寒餘邪不散上走害竅其病癰澁

赤脹生翳羞明頭痛骨痛

羌活

獨活

各六分

白芍藥

生地黄

澤瀉

各三分

人參

白朮

茯苓

黃耆

炙草

當歸

各四分

柴胡

防風

各五分

熟地黄

酒洗炒四分

作一服水二盞煎至一盞去渣熱服

右方分利陰陽升降上下之藥也羌活獨活為君導陽之升也茯苓澤瀉為臣者導陰之降者也人參白朮大補脾胃內盛則邪自不容黃芪防風大實皮毛外密則邪自不入為之佐也當歸熟地黃俱生血謂目得血而能視生地黄補腎水謂神水屬腎白芍藥理氣柴胡行經甘草和百藥為之使也

抑陽酒連散 治神水緊小漸如菜子許及神水外圍相類蟲蝕者然皆能覩物不昏微有眊睩羞澁之證

生地黄 獨活 黃柏 防風 知母各三分 蔓荊

子 前胡 羌活 白芷 生草各四分 黃芩酒製 寒

水石 梔子各五分 黃連酒製 防已三分

作一服水二盞煎至一盞去滓大熱服

右方抑陽緩陰之藥也以生地黄補腎水真陰為君
獨活黃柏知母俱益腎水為臣蔓荊子羌活防風白
芷羣隊升陽之藥為佐者謂既抑之令其分而更不
相犯也生甘草黃芩梔子寒水石防已黃連不走之

藥為使者惟欲抑之不欲祛除也諸用酒製者為引導也

當歸補血湯 治男子衄血便血婦人產後崩漏亡血過多致睛珠疼痛不能視物羞明酸澁眼睫無力眉骨大陽俱各酸痛

熟地黃 當歸各六分 川芎 牛膝 白芍藥 炙

草 白朮 防風各五分 生地黃四分 天門冬四分

作一服水二盞煎至一盞去滓稍熱服惡心不進食

者加生薑煎

右方專補血故以當歸熟地黃為君川芎牛膝白芍藥為臣以其祛風續絕定痛而通補血也甘草白朮大和胃氣用以為佐防風升發生地黃補腎天門冬治血熱謂血亡生風燥故以為使

羚羊角散 治小兒癩疹後餘毒不解上攻眼目生翳羞明眵淚俱多紅赤腫閉

羚羊角銹 黃芩 黃芪 草決明 車前子 升

麻 防風 大黃 芒硝

各等分

作一服水一盞煎半盞去滓稍熱服

右方以羚羊角主明目為君升麻補足太陰以實內
逐其毒也黃芪補手太陰以實外禦其邪也為臣防
風升清陽車前子瀉濁陰為佐草決明療赤痛淚出
黃芩大黃芒硝用以攻其固熱為使然大黃芒硝乃
大苦寒之藥智者當量其虛實以為加減未滿二十
一日而目疾作者消毒化癰湯主之

消毒化癰湯 治小兒癰疹未滿二十一日而目疾作
者餘症上同

羌活

五分

藁本

二分

細辛

一分

黃連

三分

黃芩

一分

酒芩

二分

酒

黃柏

三分

生地黃

二分

麻黃

五分

升麻

五分

白朮

一分

蒼朮

二分

生甘草

一分

吳茱萸

半分

陳皮

一分

紅花

半分

蘇木

一分

當歸

一分

連翹

三分

防風

五分

川芎

二分

葛根

一分


柴胡

二分

作一服水二盞煎至一盞去滓稍熱服

右方功非獨能於目蓋專於疔者而置也今以治疔

之劑治目者以其毒尚熾盛又旁害於目也



薛氏醫案卷八

欽定四庫全書

子部

薛氏醫案卷九

詳校官太醫院醫士臣趙正池

編修臣倉聖脈覆勸

總校官原任中允臣王燕緒

校對官中書臣李斯咏

謄錄監生臣王 鈺

欽定四庫全書

薛氏醫案卷九

明 薛己 撰

源機啓微

論目為血脉之宗

內經曰諸脉者皆屬於目目得血而能視鍼經曰五臟六腑積氣皆上注於目而為之精精之窠為眼骨之精為黑眼血之精為絡其窠氣之精為白眼肌肉之精則

為約束裏擷筋骨血氣之精而與脉并為系上屬於腦
後出於項中故邪中於項因逢其身之虛其入深則隨
眼系入於腦則腦轉腦轉則引目系急目系急則目眩
以轉矣邪中其精其精所中不相比也則精散精散則
視岐故見兩物目者五臟六腑之精榮衛寃鬼之所常
營也神氣之所主也故神勞則寃鬼散志意亂是故瞳
子黑眼發於陰白眼赤脉發於陽故陰陽合傳而為精
明也目者心之使也心者神之舍也故神精亂而不轉

卒然見非常之處精神鬼鬼散不相得故曰惑也東垣
曰夫十二經脉三百六十五絡其血氣皆上走於面而
走空竅其清陽氣上散於目而為精其氣走於耳而為
聽因心煩事冗飲食失節勞役過度致脾胃虛弱心火
太盛則百脉沸騰血脉逆行邪害空竅失明則日月不
明矣夫五臟六腑之精氣皆稟受於脾上貫於目脾者
諸陰之首也目者血脉之宗也故脾虛則五臟之精氣
皆失所司不能歸明於目矣心者君火也主人之神宜

靜而安相火化行其令相火者包絡也主百病皆榮於目既勞後運動勢乃妄行又因邪氣所并而損血脉故諸病生焉凡醫者不理脾胃及養血安神治標不治本是不明正理也

按此論目為臟腑血脉精氣之宗至為詳悉豈但世俗拘之於五輪八廓而已也

論目昏赤腫翳膜皆屬於熱

原病式曰目昧不明目赤腫痛翳膜皆瘍皆為熱也及

目膜俗謂之眼黑亦為熱也或平白目無所見者熱氣
鬱之甚也或言目昧為肝腎虛冷者誤也是以妄謂肝
生於目腎主瞳子故妄言目昧為虛而冷也然腎水冬
陰也虛則當熱肝木春陽也虛則當冷腎陰肝陽豈能
同虛而為冷者歟或通言肝腎之中陰實陽虛而無由
目昧也俗妄謂肝腎之氣衰少而不能至於目也不知
經言熱甚目瞑眼黑也豈由寒爾耶而仲景言傷寒病
熱極則不識人乃目盲也正理論曰由熱甚怫鬱於目

而致之然也若目無所見耳無所聞悉由熱氣怫鬱玄府閉密而致氣液血脈滯衛精神不能升降出入故也各隨鬱結微甚而有病之輕重也故知熱鬱于目無所見也故目微昏者至近則轉難辨物由目之玄府閉小也隔縑視物之象也或視如蠅翼者玄府有所閉合者也或目昏而見黑花者由熱氣甚而發之於目亢則害承乃制而反出其泣氣液昧之以其至近故雖微而亦見如黑花也及衝風泣而目暗者由熱甚而水化制之

也故經言厥則目無所見夫人厥則陽氣并于上陰氣并于下陽并于上則火獨光也陰氣并于下則足陰足陰則脹也天一水不能勝五火故目眚而盲是以衝風泣下而不止夫風之中於目也陽氣內守於睛是火氣燔目故見風泣下

按此論熱甚怫鬱陰陽并厥玄府閉密致目病之由為詳蓋一主於火熱之化也若由飲食辛熱七情所動六氣淫鬱氣血虛實則東垣子和陳無擇輩論亦

已詳然亦有瘦熱濕熱與夫服食金石燥熱之藥致者或久病後榮衛虛弱肝氣腎陰不足或元氣精氣虛衰及脫營為病皆有虛熱實熱之殊並宜分治

論眼證分表裏治

機要曰在腑則為表當除風散熱在臟則為裏宜養血安神暴發者為表而易治久病者在裏而難愈

論目疾宜出血最急

子和曰聖人雖言目得血而能視然血亦有太過不及

也太過則目壅塞而發痛不及則目耗竭而失明故年少之人多太過年老之人多不及但年少之人則無不及年老之人其間猶有太過者不可不察也夫目之內眥太陽經之所起血多氣少目之銳眥少陽經也血少氣多目之上網太陽經也亦血多氣少目之下網陽明經也血氣俱多然陽明經起於目兩旁交頰之中與太陽少陽俱會于目惟足厥陰經連于目系而已故血太過者太陽陽明之實也血不及者厥陰之虛也故出血

者宜太陽陽明蓋此二經血多故也少陽一經不宜出血血少故也刺太陽陽明出血則目愈明刺少陽出血則目愈昏要知無使太過不及以養血目而已凡血之為物太多則濫太少則枯人熱則血行疾而多寒則血行遲而少此常理也目者肝之外候也肝主目在五行屬木雖木之為物太茂則蔽密太衰則枯瘁矣夫目之五輪乃五臟六腑之精華宗脉之所聚其白人屬肺金肉輪屬脾土赤脉屬心火黑水神光屬腎水兼屬肝木

此世俗皆知之矣及有目疾則不知病之理豈知目不
因火則不病何以言之白輪變赤火乘肺也肉輪赤腫
火乘脾也黑水神光被翳火乘肝與腎也赤脉貫目火
自甚也能治火者一句可了故內經曰熱勝則腫凡目
暴赤腫起羞明應澁淚出不止暴寒目瞶皆太熱之所
為也治火之法在藥則鹹寒吐之下之在鍼則神廷上
星顙會前頂百會血之翳者可使立退痛者可使立已
昧者可使立明腫者可使立消惟小兒不可刺顙會為

肉分淺薄恐傷其骨然小兒水在上火在下故目明老人火在上水不足故目昏內經曰血實者宜決之又經曰虛者補之實者瀉之如雀目不能夜視及內障暴怒大憂之所致也皆肝主目血少禁出血止宜補肝養腎至於暴赤腫痛皆宜以銚鍼刺前五穴出血而已次調鹽油以塗髮根甚者雖至于再至于三可也量其病勢以平為期

按此謂目疾出血最急於初起熱痛暴發或久病鬱

甚非三稜鍼宣泄不可然年高之人及久病虛損并
氣鬱者宜從毫鍼補瀉之則可故知子和亦大畧言
爾於少陽一經不宜出血無使太過不及以養血目
而已斯意可見

論內障外障

龍木論曰眼疾有七十二般內障二十三候外障四十
九候病狀一一不同據其疾狀認識既不差錯治療少
有所憑

謹按諸候詳見本論然內障為黑水神光昏翳外障則有翳膜者是今論中雖具諸候而所用藥多本風熱故並畧云然內障有因於痰熱氣鬱血熱陽陷陰虛脫營所致種種病因皆畧之不議况外障之翳有起於內眥外眥睛上睛下睛中當視其翳色從何絡而來如東垣治例魏邦彥夫人目翳從下而上病自陽明來也綠非五色之正殆肺腎合而為病也乃就畫家以墨調膩粉合成色諦視之與翳色同矣肺腎

為病者無疑乃瀉肺腎之邪而以入陽明之藥為之
使既效而他日復病作者三其所從來之經與翳色
各異因詢此必經絡不調目病未已問之果然如所
論治之疾遂不作若此憑其色究其所兼所本之因
處治而不愈者蓋邪蘊日久而實元氣陰氣不足所
致也當以王道論治庶可但世俗不能守此理遂致
失明者多矣悲夫

論瞳子散大

東垣曰瞳子散大者由食辛熱之物太甚故也所謂辛主散熱則助火上乘於腦中其精故散精散則視物亦散大也夫精明者所以視萬物者也今視物不真則精衰矣蓋火之與氣勢不兩立故經曰壯火食氣壯火散氣手少陰足厥陰所主風熱連目系邪入中人名從其類故循此道而來攻頭目腫悶而瞳子散大皆血虛陰弱故也當除風熱涼血益血以收耗散之氣則愈矣

論倒睫赤爛

東垣曰夫眼生倒睫拳毛者兩目緊急皮縮之所致也
蓋內復熱則陰氣外行當去其內熱并火邪眼皮緩則
眼毛立出翳膜亦退用手法攀出內瞼向外速以三稜
鍼出血以左手爪甲迎其鍼鋒立愈

目眶歲久赤爛俗呼為赤瞎是也當以三稜鍼刺目眶
外以瀉濕熱而愈

按已上所論可謂深達病情然其證亦多是血熱陰
虛火動所致蓋血所以滋經脈養毛髮者也故當外

治以瀉其滌熱內治以杜絕其源可也

論目不能遠視為陰氣不足

東垣曰能遠視不能近視者陽氣不足陰氣有餘也乃氣虛而血盛也血盛者陰火有餘氣虛者氣弱也此老人桑榆之象也能近視不能遠視者陽氣有餘陰氣不足也乃血虛氣盛血虛氣盛者皆火有餘元氣不足火者元氣穀氣真氣之賊也元氣來也徐而和細細如線邪氣來也繁而強如巨川之水不可遏

謹按陽氣者猶日火也陰氣者金水也先儒所謂金水內明而外暗日火內暗而外明者也然人目眼備臟腑五行精華相資而神明故能視即此理之常也雖經曰目得血而能視殊不知氣者蓋血得氣為水火之交而能神明之也否則陰虛不能遠視陽乏不能視近是為老人桑榆之漸然學者於目病能求諸此則思過半矣

論目疾分三因

陳無擇云病者喜怒不節憂思兼並致臟氣不平鬱而生涎隨氣上厥逢腦之虛侵淫眼系陰注于目輕則昏瀋重則障翳眵淚努肉白膜瞶睛皆內所因或數冒風寒不避暑濕邪中於項乘虛循系以入於腦故生外翳醫論中所謂青風綠風紫風黑風赤風白風白翳黃翳等隨八風所中變生諸症皆外所因或嗜慾不節飲食無時生食五辛熱啖炙烤馳田獵冒涉煙塵勞動外情喪明之本皆不內外因治之

按論中所言致證之因至為詳悉惜乎其方多本於風熱及水臟陽虛處治而未備學者當自為通變矣

論偷鍼眼

巢氏曰凡眼內眦頭忽結成胞三五日間便生膿汁世呼為偷鍼此由熱氣客在眦間熱搏於津液所成但其勢輕者小小結聚汁潰熱歇乃瘥

謹按世傳眼眦初生小胞視其背上即有細紅點如瘡以鍼刺破眼時即瘥故名偷鍼實解太陽經結熱

也人每試之有驗然巢氏但具所因而不更分經絡其諸名實所過者多矣

先哲治驗

東垣云戊申六月徐總管患眼疾上眼皮下出黑白翳二點癰滋難開兩目緊縮而不痛兩寸脉細緊按之洪大而無力乃足太陽膀胱為命門相火煎焚逆行作寒水翳及寒膜遮睛呵欠善悲健忘噫噴眵淚時淚下面赤而白能食大便難小便數而欠氣上而喘以撥雲湯

治之

論腫子散大

并方

戊戌冬初李叔和至西京朋友待之以猪肉煎餅同蒜
醋食之後復飲酒大醉卧於煖亢翌日病眼兩腫子散
大於黃睛視物無的以小為大以短為長卒然見非常
之處行步踏空多求醫療而莫之愈至己亥春求治於
先師曰內經有云五臟六腑之精氣皆注於目而為之
精精之窠為眼骨之精為腫子又云筋骨氣血之精而

為脉并為系上屬於腦又瞳子黑眼法於陰今瞳子散
大者由食辛熱之物過多故也所謂辛主散熱則助火
上乘於腦中其精故散精散則視物亦散大也夫精明
者所以視萬物者也今視物不真則精衰矣蓋火之與
氣勢不兩立故經云壯火食氣壯火散氣手少陰足厥
陰所主風熱連目系邪之中人各從其類故循此道而
來攻頭目腫悶而瞳子散大皆血虛陰弱故也當除風
熱涼血益血以收耗散之氣則愈矣滋陰地黃丸

方見前

內經云熱淫所勝平以鹹寒佐以苦甘酸收之以黃連
黃芩大苦寒除邪氣之盛為君當歸身辛溫生熟地黃
苦甘寒養血涼血為臣五味子酸寒體輕浮上收瞳子
之散大人參甘草地骨皮天門冬枳殼苦甘寒瀉熱補
氣為佐柴胡引用為使也忌食辛辣物而助火邪及食
寒涼物損胃氣藥不能上行也

丹溪一壯年人早起忽視物不見就睡片時畧見而不
明食減倦甚脉緩大重則散而無力意其受濕所致詢

之果卧濕地半月遂以白朮為君黃芪茯苓陳皮為臣
附子為使十餘貼而愈

丹溪一老人忽盲他無所苦予以大虛治之急煎人參
膏二觔服二日一醫與磁石藥子曰今夜死矣果然

丹溪一人形實好飲熱酒忽目盲脉濡此熱酒所傷胃
氣污濁之血死其內而然以蘇木作湯調人參末服二
日鼻及兩掌皆紫黑子曰滯血行矣以四物加蘇木桃
仁紅花陳皮煎調人參末服數日而愈

已上治驗三條
見丹溪纂要

謙甫云郎中張子敬年六十七歲病眼目昏暗微黑色
皮膚不澤六脉弦細而無力一日出視治眼二方問子
曰可服否子曰此二方以黃連大苦之藥為君諸風藥
為使且人年五十膽汁減而目不明內經云土位之主
其瀉以苦諸風藥亦能瀉土人年七十脾胃虛而皮肉
枯重瀉其土使脾胃虛而不能營運榮衛之氣滋養元
氣胃氣不能上行隔氣吐食諸病生矣又况年高衰弱
此藥不服可也只宜慎言語節飲食憊憊室憊此不治

之治也子敬以為明年春除關西路按察使三年致仕
回還精神清勝脉遂平和此不可妄服寒涼之劑也內
經云征伐無過是謂大惑解之可也

海藏妻姪女形肥笄年時得目疾每月或二月一發發
則紅腫難開如此者三年服除風散熱等劑左目反有
頑翳從銳眥遮瞳人右目亦有翳從下而上經云從內
走外者少陽病從下上者陽明病予謂此少陽陽明二
經有積滯也脉短滑而實鼓晨則似短澁潔古有云短

為有積滯遏抑臟腑宜下之遂用溫白丸減川芎附子
下之二多加龍膽草黃連如東垣五積法從二九加起
每日加一丸如至大利然後減丸又從二九加起忽一
日於利中下墨血塊若干如黑豆大而硬堅從此漸痊

而翳盡去

見醫學綱目

樓全善先生曰夏枯草治目珠疼至夜則疼甚者神效
或用苦寒藥點之反疼者亦神效蓋目珠者連目本又
各系屬厥陰之經也夜甚及用苦寒藥點之反甚者夜

與寒亦陰故也丹溪云夏枯草有補養厥陰血脉之功其草三四月開花遇夏至陰生則枯蓋稟純陽之氣也至哉斯言故治厥陰目疼如神者以陽治陰也子男至夜目珠及連眉稜骨作疼頭半邊腫痛用黃連膏點之反大痛百藥不效灸厥陰少陽疼隨止半日又作又灸又止月餘遂以夏枯草二兩香附末二兩甘草四錢同為細末每服一錢半用清茶調服下咽則疼減大半至四五日良愈

一男子六十餘歲所患與前證皆同但黑睛有白翳二點諸藥不效亦以此藥與東垣選奇湯加四物湯及黃連煎間服并灸厥陰少陽而安

附方

治風之劑

局方蜜蒙花散 治風氣攻注兩眼昏暗眵淚羞明并暴赤腫

羌活

白蒺藜

炒

木賊

蜜蒙花

石決明

各一兩

菊花二兩

右為末每服二錢茶清食後調下

三因羌活散 治風毒上攻眼目昏澁翳膜生瘡及偏

正頭疼目小黑花累累者

羌活 川芎 天麻 旋覆花 青皮 南星 炮

藁本 各一兩

右為末每服二錢水煎入薑三片薄荷七葉

按已上並足太陽厥陰藥也

東垣明目細辛湯 治兩目發赤微痛羞明畏日怯風
寒怕火眼睫成紐眵糊多癭澁而難開眉攢腫悶鼻塞
涕唾稠粘大便秘澁

麻黃

羌活

各三錢

防風

二錢

藁本

一錢

白茯苓

一錢

當歸

尾川芎

一錢

五分

細辛

五分

蔓荊子

五分

荊芥穗

錢半

生地黃

一錢

酒製椒

八箇

桃仁

二十箇

紅花

少許

右以咀分作四服每服水煎食後熱服

按此足太陽厥陰手少陰藥也

機要四物龍膽湯

治目赤暴發雲翳疼痛不可忍

四物湯

半兩

羌活

防風

各三錢

龍膽草

酒拌炒焦

防已

各二

錢

右以咀作數服水煎

按此足厥陰太陰太陽藥也

防風飲子

治拳毛倒睫

黃芪

甘草

人參

各一錢

葛根

五分

細辛葉

蔓荊

子

防風

各五分

當歸

七分半

右咬咀作一服水煎食後服

按此足太陽陽明手足太陰藥也

治熱之劑

局方洗心散 治風壅壯熱頭目昏痛熱氣上衝口苦
唇焦咽喉腫痛心神煩燥多渴五心煩熱小便赤澀大
便秘滯

大黃煨

甘草

當歸

芍藥

麻黃

荆芥穗

各六

錢

白朮

半兩

右為末每服二三錢生薑薄荷湯煎服

按此足太陽陽明厥陰手足太陰經藥也今人多用之故收入然以白朮合大黃入心故名洗心而從以麻黃荆芥亦是表裏藥

濟生羊肝丸 治肝經有熱目赤睛疼視物昏澁

羊肝

一具生用局方用白羊肝

黃連

去鬚為末

右先將羊肝去筋膜於沙盆內搗爛入黃連末杵和丸如梧子大每五十九丸用熟水送下

按此手少陰足太陰厥陰藥也

東垣瀉熱黃連湯 治眼暴發赤腫疼痛

黃芩

酒製炒

黃連

同上製

龍膽草

生地黄

各一兩

升麻

半兩柴胡一兩

右以咀每服四錢水煎去渣於日午前飯後熱服

按此手少陰太陰足陽明少陽少陰藥也

治風熱之劑

局方明目流氣飲 治風熱上攻眼目視物不明常見

黑花當風多淚癰澁難開

大黃煨 牛蒡子炒 川芎 菊花 白蒺藜炒 細辛

防風 玄參 山梔 黃芩 甘草炙 蔓荊子

荊芥 木賊各一兩 草決明兩 蒼朮兩 滑汁炒

右為末每二錢臨卧用溫酒調下

按此手足三陰足陽明太陰藥也

洗肝散 治風毒上攻暴作赤目腫痛難開癰澁眵淚

薄荷葉 當歸 羌活 防風 山梔仁 甘草

大黃

川芎

各二兩

右為末每二錢食後煎水調下

按此足太陽厥陰手足太陰藥也

錢氏瀉青丸 治目暴發赤腫疼痛

當歸

川芎

山梔

龍膽草

酒拌炒焦

大黃

羌活

防風

右為末蜜丸鷄頭子大每一二九

按此足太陽少陽太陰厥陰藥也

東垣連翹飲子

治目中溜火惡日與火癰溢小角緊

久視昏花迎風有淚

蔓荊子

生甘草

連翹

各三分

柴胡

二分

黃芩

酒製五分

生地黃

當歸

人參

各三分

紅蓼花

三分

黃芪

防

風

羌活

各五分

升麻

一錢

右以咀作一服水煎食後熱服

按此是三陽少陰厥陰藥也

神芎丸

治濕熱內甚目赤腫或白睛黃色

大黃 黃芩

各二兩

牽牛

滑石

各四兩

黃連

薄荷

川芎

各半兩

右為末水丸如小豆大溫水下十九至十五二十九

按此足陽明厥陰藥也

東垣龍膽飲子

治肝眼流膿生疔翳濕熱為病

麻黃

一錢半

黃芩

炒

青蛤粉

羌活

龍膽草

酒拌炒焦

各三錢

蛇退皮

穀精草

川鬱金

炙甘草

各五分

升麻

二錢

右為細末每二錢食後茶調服

按此足太陽陽明手足太陰藥也

已上六方宜隨表裏而輕重之亦不可倒用理血之

劑

局方明目地黄丸 治男女肝腎俱虛風邪所乘執氣

上攻目翳遮睛目溢多淚

牛膝

酒浸
三兩

石斛

枳殼

炒

杏仁

去皮
炒

防風

各四
兩

生

熟地黄

各一
兩

右為末煉蜜丸如梧子大每服三十九白水下

按此出太陽例又氣藥也

簡易加減駐景丸 治肝腎氣虛兩目昏暗視物不明

熟地黄 當歸 各五兩 楮實子 川椒 炒各一兩 五味子

二兩 枸杞子 二兩 兔絲子 酒製半兩 車前子 炒二兩

右為末蜜糊丸如梧子大每三十九食前溫酒下

謹按肝為相火有瀉無補况陰水虛而陽火實病目者多故此二方蓋補肝之陰虛也頗有理故收入

地芝丸 治目不能遠視能近視或亦妨近視

生地黄

焙乾

天門冬

去心各四兩

枳殼

二兩炒

甘菊花

二兩

右為細末煉蜜為丸如桐子大茶清送下百丸食後

理氣之劑

局方定志丸 治眼不能近視反能遠視者

白茯苓

人參

各三兩

遠志

去心

菖蒲

各二兩

右為細末煉蜜為丸如梧子大以硃砂為衣每服七丸至二三十丸溫米飲下食後日三服

按已上二方手太陰少陰藥也

濟生桑白皮散

治肺氣壅塞毒氣上攻眼目白睛腫

脹日夜疼痛

玄參

桑白皮

枳殼

炒

升麻

杏仁

炒

旋覆花

防風

赤芍

黃芩

甘菊花

甘草

炙

甜葶

蘆

炒各
一兩

右為末每服三錢食前滾白水調下

按此又治風熱之劑也出太陽例

養陽之劑

東垣神效黃芪湯 治渾身麻木不仁或頭面或手或
腿脚麻木不仁兩目緊急縮小及羞明畏日或視物無

力

黃芪

二

人參

八

炙甘草

一

蔓荊子

三

白芍

一

陳皮

一

半
兩

右呔咀每五錢水煎臨卧熱服

益氣聰明湯 治飲食不節勞役形體脾胃不足得內

障耳鳴或多年目昏暗視物不能此藥能令人目廣大
久服無內外障耳鳴耳聾之患

黃芪

甘草

人參

各半兩

升麻

葛根

各三錢

蔓荊

子

錢半

芍藥

黃栢

酒炒各一錢

右咬咀每服三錢水煎臨睡熱服近五更再服之得
腫更妙如煩悶或有熱漸加黃栢春夏加之盛夏夏
月倍之若此一味多則不效

人參補胃湯

治勞役所傷飲食不節內障昏暗

前黃芪湯減陳皮芪再減半加黃栢一两酒拌透

右咬咀每服三四錢水煎食遠稍熱服後兩目廣大視物如童時覺兩脚踏地不知高低蓋冬天多服升陽藥故也病減住服

按已上手足太陰少陰藥也

滋陰之劑

東垣連栢益陰丸

羌活 獨活 甘草 當歸尾製 防風半 五味子兩

半
草決明一石決明二錢三燒
細黃芩 黃柏 知母

黃連酒拌炒
各一兩

右件為細末煉蜜為丸如菘豆大每服五十九漸加
至百丸食遠茶清送下常多服補陽湯少服此丸

滋陰腎氣丸此壯水之主以鎮陽光

熟地黃三牡丹皮半生地黃四澤瀉二茯苓二

當歸尾 山茱萸 柴胡 五味子 乾山藥

各半
兩

右件於石白中杵為細末煉蜜為丸如桐子大每服
五七十九鹽湯空心服

按已上並少陰藥也

養陽滋陰之劑

局方菊睛丸 治肝腎不足眼目昏暗常見黑花多淚

枸杞子

三兩

菴蓉

酒浸炒

巴戟

去心各一兩

甘菊花

四兩

右為末煉蜜為丸如梧子大每五十九溫湯鹽湯食

遠任下

東垣滋陰地黄丸 治眼目瞳子散大於黃睛視物無
的或卒然見非常之處

熟地黄

一兩

生地黄

兩

柴胡

八錢

天門冬

炙甘草

枳殼

各三錢

人參

二錢

地骨皮

二錢

黃連

三錢

五味子

三錢

黃

苓

半兩

歸身

半兩

酒
拌焙

右件為細末煉蜜為丸如菉豆大每百丸溫茶清送
下日進三次忌辛辣生冷之物

按此二方足少陰之劑也前方主右腎此主左腎之

藥故亦異爾

補陽湯 治陽不勝其陰乃陰盛陽虛則九竅不通今
青白翳見於大眥及足太陽少陰經中鬱遏足厥陰肝
經氣不得上通於目故青白翳內阻也當於太陽少陰
經中九原之下以益肝中陽氣衝天上行此乃先補其
陽後於足太陽太陰標中標者頭也瀉足厥陰肝經火下伏
於陽中乃次治也內經云陰盛陽虛則當先補其陽後
補其陰此治法是也每日侵晨以腹中無宿食服補陽

湯臨卧服益陰丸若天色變大寒大風并勞役預日飲
食不調精神不足或氣弱俱不得服候時氣和平天氣
如常服之乃先補其陽使陽氣上升通於肝經之末利
空竅於目矣

羌活 獨活 甘草 人參 熟地黄 黃芪

白朮 各一兩 澤瀉 研為末 陳皮 各半兩 生地黄 炒 白茯苓

去知母 炒各三錢 柴胡 去苗三兩 防風 白芍藥 半兩 肉桂 去皮

一錢 當歸身 去蘆酒製三錢

右同為麤末每服半兩水三盞煎至一盞去滓空心
宿食消盡服之

冲和養胃湯 治內障眼得之脾胃元氣衰弱心火與
三焦俱盛飲食失節形體勞役心不得休息故上為此
疾服之神効

柴胡七錢 防風半兩 羌活 炙甘草 黃芪各一兩半 當歸

製 白朮 升麻 人參 葛根各一兩 白芍六錢 白茯苓

苓三錢 乾薑一錢 五味子二錢 黃芩 黃連各七錢

右咬咀每五六錢水煎食遠稍熱服

按已上足三陽手足太陰藥也

治障翳諸方

龍木論還睛丸 治眼內赤澁有花或黑或白或紅皆

因肝臟積熱肺受風邪初患之時宜令鍼治諸穴內服

此

人參 桔梗 黃芩 熟地黄 防風 茺蔚子

車前子 知母 各二兩
玄參 半兩 細辛 五味子 各二兩半

右為末煉蜜為丸如梧子大空心茶下十九

按本論治內障諸方與此相類者數多姑存此法

局方蟬花無比散 治大人小兒風毒傷肝或為氣攻

一切眼目昏暗漸生翳膜或久患頭風牽搐兩眼漸漸

細小連眶赤爛

茯苓 甘草 炙 防風 各四兩 川芎 石決明 鹽水煮研如粉

羌活 當歸 各三兩 赤芍 十兩 蒺藜 炒半兩 蟬退 一兩 蒼

朮 十二兩 蛇退 一兩

右為末每三錢食後米泔調服茶清亦得

按此足三陽太陰厥陰藥也

蟬花散 治肝經蘊熱毒氣上攻眼目赤腫多淚羞明
一切風熱昏翳

穀精草 菊花 蟬退 羌活 甘草炙 白蒺藜

炒草決明 防風 山梔 川芎 蜜蒙花 木

賊 荆芥穗 黃芩 蔓荊子

右為末每二錢食後茶清調下

按此足太陽少陰厥陰手太陰藥也

本事方羊肝丸

兔絲子 車前子 麥門冬 決明子 茯苓

五味 枸杞子 菟蔚子 苦葶藶 蕤仁 地

膚子 澤瀉 防風 黃芩 杏仁炒 細辛 桂

心各一兩 青箱子一兩 熟地黃一兩半 白羯羊肝只用子肝一片

薄切新瓦上炒乾

右為細末煉蜜為丸如梧子大每服三四十九溫水

下日 開

按此足太陽少陰手太陰少陰藥也

秘方撥雲退翳丸皇統年間醫官劉昌祖傳于世

瓜萋根

枳實

甘草

炙

蔓荊子

焙

薄荷

各半兩

芎

木賊

浸一宿焙

蜜蒙花

荆芥穗

地骨皮

羌

活

白蒺藜

各一兩

甘菊花

一兩

蛇退

黃連

各三錢

川

椒

七錢半炒去目

當歸

一兩半酒浸焙乾

蟬退

三錢

右為細末煉蜜為丸每兩作十九每服一九食後臨

卧日進三服翳者米泔水下晴暗當歸湯下内障木香湯下

按此足太陽厥陰手少陰藥也然翳膜之疾有氣血虛實或夾痰熱七情六淫或陰火動濕熱致者種種不同皆宜求責但已上法不能以盡病情之變學者宜擴克焉

點洗諸方

局方湯泡散 治肝經風熱上壅眼目赤澁睛疼多淚

赤芍 當歸

黃連

各等分

右為末每二錢湯頓調熱洗日三五次御藥院方加

荆芥

三因立勝散 治風熱攻眼隱澁羞明腫痛

黃連

秦皮

防風

黃芩

等分

右以咀水煎熱用新羊毫筆蘸刷洗眼

金露膏除昏退翳截赤定疼

麩仁

槌碎

黃丹

各一兩

黃連

半兩 六兩

右先將黃丹炒令紫色入蜜攪勻下長流水四升以嫩柳枝五七莖一把定攪之次下麩仁候滾十數沸又下黃連用柳枝不住手攪熬至升七八合罩籬內傾藥在紙上慢慢滴之勿令塵污如有瘀肉加硃砂末一錢上火上慢開入前膏子內用

龍木論云患傷寒熱病後切不可點恐損眼也斯言可以為藥禁云

寶鑑春雪膏 治風熱上攻眼目昏暗痒痛癢澁難開

多眵淚羞明疼痛或生翳膜

黃連

四兩到用童便二升浸一宿去連用泮甘石

好黃丹

六兩水飛 硃砂一錢

細研水調在盞內頓乾為度

白丁香

五分 乳香

當歸

各三錢 麝香

輕粉

各少許 烏魚骨

燒存性 南蘆甘石

十二兩泮三錢

右各研另貯先用好蜜一觔四兩煉去蠟却下甘石

末不住手攪次下丹次下諸藥末不住手攪至紫金

色不粘手為度掐作錠子每用一粒新水磨化時時

點之忌酒濕麵蕎麥

拔萃方嗜藥 治偏頭疼眼疾

蒼耳頭

薄荷葉

盆硝

石膏

各一錢
亂文者

乳香

華細辛

貫芎

各五分

右為極細末早午夕三時嗜鼻

寶鑑方無蒼耳乳香細辛有荆芥桔梗

蟾光膏 治遠年病目不通道路退去雲膜須用十二

月開成日合

白砂蜜

四兩用隔年葱根去須皮切短與蜜一同
熬去白膜候葱熟為度以綿濾淨紙取蠟

面
黃丹 蜜陀僧 各水飛三錢生用 蘆甘石 火煨五錢水飛

已上三味研極細傾入前蜜中桃柳無節者各一枝

攪勻

川芎 半兩 當歸 赤芍 黃連 去蘆淨二兩 杏仁 湯泡去皮尖各

半兩 秦皮 訶子皮 防風 石膏 玄精石 井

泉石 無名異 玄參 代赭石 石決明

已上十味各三錢咬咀用雪水或長流水五升於銀器內熬至二升濾去滓淨再熬至一升傾入前藥蜜

內銀器內慢火熬紫金時再下後藥勿令過火

乳香

沒藥

琥珀

硃砂

麝仁

各三錢

已上五味先乾研極細入麝仁研細水飛澄清極細

方傾入前藥一同復熬以筋點藥於水中不散為度

勿令過與不及取下於土中埋七日取出置於銀器

或磁器中如法收貯便再添入後細藥以桃柳枝攪

勻

南鵬砂

珍珠

龍腦

珊瑚枝

各一錢

麝香

五分

右五味研極細入藥中封定如有取不盡藥用淨水
斟酌洗渲熬過另於洗眼或膏子稠了傾些小調解
灸雀目疔眼法

寶鑑云小兒雀目夜不見物灸手大指甲後一寸內
橫文頭白肉際灸一炷如小麥大

小兒疔眼灸合谷二穴各一壯炷如小麥大在手大指
次指兩骨間陷者中

按灸法詳見資生等經茲不備錄

附東垣諸先生治法

撥雲湯 治法見前東垣先生治徐總管條

黃芪

一分 細辛 五分 柴胡 七分 生薑 五分 荆芥穗 一分 羌活

防風

各一錢半 藁本 生甘草 升麻 各一錢 葛根

川芎

各五分 知母 歸身 各一錢半 黃蘗 一錢半

作一服水煎稍熱服食後

助陽活血湯 治眼發之後猶有上熱白睛紅上壅無

疼痛癰溢難開多眵淚

防風

黃芪

各五分

炙甘草

五分

蔓荊子

二分

歸身

酒製五分

白芷

三分

升麻

七分

柴胡

五分

作一服水煎臨卧稍熱服

神効明目湯

治眼稜緊急致倒睫拳毛損目及上下

瞼赤爛睛赤疼痛昏暗冷淚常流夜則眼澁難開眵淚

皆滿眼

葛根

一錢半

甘草

炙二錢

防風

一錢

蔓荊子

五分

細辛

二分

一法加黃芪

一錢

作二服水煎臨卧稍熱服

廣大重明湯 治兩目臉皆焮熱赤腫作痛楞生瘡多眵淚癢澁不能開視及眼臉痒搔之至破者並皆治之

草龍膽

酒炒

防風

生甘草

細辛

各一錢

各杵如麻豆大內甘草不剉只作一定先以水一碗半煎草龍膽一味至一半再入餘三味煎至少半碗濾去滓用清帶熱洗以重湯坐令熱日用五七次每洗畢合目須臾如努肉泛長及痒亦驗

五秀重明丸

治翳膜遮睛癰溢昏花常服清利頭目

乾菊

開頭五
百朵

荊芥穗

五百穗

楮實子

五百粒

木賊

去節
五百

莖

川椒

五百粒
炒去口

為末煉蜜為丸彈子大每服一丸細嚼徐徐嚥下

升陽柴胡湯

羌活 獨活

甘草根

歸身

各一兩

熟地黄

一人兩

參 黃芪

白朮

各半兩

澤瀉

三錢

白芍藥

一兩

陳皮

白茯苓

防風

各三錢

肉桂

五分

柴胡

一錢半

生地黄

酒炒

半 楮實子 酒拌 兩 知母 酒製三錢夏
兩 知母 月加至五錢

每服五錢水煎稍熱服食後另合一料煉蜜為丸如
桐子大食遠茶清送下五十九丸每日與前藥各一服
如天氣熱甚加五味子三錢或五錢天門冬五錢更
加芍藥楮實子各五錢

芎辛湯 治兩目晝夜癩澁難開羞明畏日目赤視物
昏暗神效

芎藭五分蔓荊子五分細辛二分防風一分甘草 白芷

各一錢

作一服水煎臨卧稍熱服

羌活退翳丸 治內障右眼小皆青白翳大皆微顯白

翳腦痛腫子散大上熱惡熱大便時難小便如常遇天
熱暖處頭痛睛脹能食日沒後天陰則昏暗此證亦可
服滋陰地黃丸

熟地黃

八錢

生地黄

酒製

歸身

酒製

黃蘗

製各半兩

川芎

三錢

芍藥

一兩二錢

防己

二錢

知母

三錢

羌葇子

半兩

牡丹皮

三錢丹參半兩寒水石一身柴胡半兩羌活三錢黑附子一錢
炮

為細末煉蜜為丸如小豆大每服五七十九白湯送

下隨以食壓之忌言語

已上俱見東垣試効方

保命當歸湯 治風熱上攻瞳子散大

當歸身

二錢

黃芩

二錢

黃連

一錢

柴胡

一錢

熟地黄

三錢

芍藥

二錢甘草

三錢

分三服水煎臨卧溫服

瑞竹四神丸 治腎經虛損眼目昏花補虛益損及雲翳遮睛

翳遮睛

甘州枸杞子

一觔揀色赤滋潤者作四分用酒一杯潤之

一分川椒

一兩

同炒一分小茴香

一兩同炒

一分用芝麻

一合同炒

一分獨炒

用

炒過將川椒等篩去不用再加熟地黃白朮白茯苓

各一兩共為細末煉蜜為丸如梧桐子大每服五七

十九空心溫酒送下或加甘菊花一兩

見醫學綱目新增

補肝散 治肝風內障不痛不痒眼見花發黃白黑赤
或一物二形難辨

羚羊角

防風

各二兩

羌活

人參

車前子

菴

苓

細辛

玄參

黃芩

各一兩

為末食後米飲調服一錢

簡要補肝散 治肝虛目睛疼淚出不止筋脉痛及羞
明怕日

夏枯草

四兩

香附子

一兩

為細末每服一錢茶清調下

羚羊飲子 治綠翳內障頭旋額痛眼內痛澁者

羚羊角 防風 知母 人參 茯苓 玄參

桔梗各二兩 細辛三兩 黃芩 車前子各一兩

為末每服三二錢水煎食後溫服

腎臟風眼

四生散 治腎風上攻眼目作痒或作昏花

白附子 黃芪 獨活 蒺藜各等分

金匱要略卷九
為末每服二錢用猪腰子一枚批開入藥濕紙包裹
煨熟細嚼鹽湯下風痺酒下

小兒五臟目疾

天麻丸 治小兒肝疳風疳眼疳

青黛 黃連 天麻 五靈脂去石 夜明砂炒 川芎

蘆薈各一錢 龍膽草酒拌炒焦 防風 蟬蛻各半錢 全蝎

麝香少許 乾蟾頭二錢炙焦

為末猪膽汁浸糕丸如麻子大每服十九丸薄荷湯下

生犀散 治小兒心經虛熱目內淡紅

犀角

鈔末
二錢

地骨皮

赤芍藥

柴胡

乾葛

各一
兩

甘草

半
兩

為末每服二三錢水煎熟入犀角食後服

瀉黃散 治小兒胃熱眼目作痛

藿香

七錢

山梔

一兩

石膏

半兩

甘草

七錢

防風

五分

四兩

用蜜酒拌微炒為末每服二三錢水煎服

生熟地黃丸 治小兒疳蝕眼患閉合不開羞明畏日

或生內障

生地黄

一熟地黃

兩當歸二錢

麥門冬

去心

枳殼

米泔洗炒

防風

杏仁

去皮尖炒

甘草

赤芍藥

各二錢半

為末每服三二錢黑豆七粒煎豆熟去查服

三味蘆薈丸

治黑水凝翳內障不痛不痒微有頭旋

脹溢者

蘆薈

甘草

各一錢

羚羊角

蜜炙二兩

為細末煉蜜為丸如梧桐子大空心茶清下十丸

九味蘆薈丸 治三焦及肝膽經風熱目生雲翳或瘰

癥耳內生瘡寒熱作痛或肝火肌體消瘦發熱作渴飲
食少思肚腹不調或肝疔口內生瘡牙齦潰爛或牙齒
蝕落頰顙腐爛發熱口渴飲食少用下部生瘡等症

蘆薈

半兩

胡黃連

當歸

龍膽草

酒浸炒

芍藥

川

芎

蕪荑

各一兩

木香

甘草

炙各三錢

右為末荻神糊丸麻子大每服五七十九滾湯下

地黃丸 治小兒肝腎虛熱眼目生翳或赤爛等症如

變疳症當煎服蘆薈肥兒二九

詳見家居醫錄卷六

熟地黄

搗碎秤八兩酒拌杵膏

山藥

四兩 山茱萸肉

四兩 白茯苓

澤瀉

牡丹皮

各三兩

右各另為末入地黄膏和勻加煉蜜少許丸如梧桐

子大量兒大小空心服

肥兒丸 治食積發熱眼目生翳等症

黃連

炒 燕薹

炒 神曲

炒 麥芽

炒

右各另為末等分水丸量兒大小空心服

通頂散 治小兒腦熱腦枕骨疼閉目不開或頭風痛
攢眉啼哭并赤目

川芎 薄荷 各半兩 茵陳 甘草 各四錢 朴硝 三錢 甜
亦可

為末用少許吹鼻中即效如要嚏噴加躑躅花一錢
只用朴硝吹鼻亦止

一方用好坏臘脂子水調塗眼眶

决明散 治痘疹入眼

决明子 錢半 赤芍藥 錢半 甘草 一錢

為末每服一錢蜜水調服

已上方見小兒袖珍方

蜜蒙散 治小兒痘疹及諸毒入眼

蜜蒙花

錢半

青箱子

錢一

決明子

車前子

各五分

為末羊肝一片破開摻藥在內仍合之濕紙數重包裏灰中煨熟空心食之

通聖散 治小兒瘡痘入眼及生翳障

白菊花

一兩

綠豆皮

一兩

穀精草

去根

一兩

為末三歲一錢乾柿一枚生粟米泔一盞同煎候泔

盡將柿去蒂核不時食之日用二三枚近者五七日
遠者半月全効

蛤粉散 治小兒瘡痘入目

穀精草 蛤粉

各等分

為末三歲一錢豬肝二兩批開摻藥在內以竹葉包
裹以線束定水一碗煮熟入磁瓶內薰眼至溫取食
之

蛇皮散 治小兒瘡痘入目成翳

括蔞根

蛇皮

炙黃
等分

為末三歲一錢羊子肝一片批開入藥末在內以線

束定米泔水煮熟食之

蟬蛻散 治小兒癩瘡入眼半年以裏者一月取效

猪懸蹄甲

二兩確子內鹽
泥固濟燒存性

蟬殼

一兩

羚羊角

一分

為末三歲一錢猪肝湯調下食後服日三服一年之

外難治

二粉散 治小兒斑瘡入眼

輕粉五錢分粉霜一錢

右研勻用綿裹如人患左眼塞入左耳內患右眼塞

入右耳內所患眼便開得其瘡自愈

已上方見全嬰集

海藏云東垣先生嘗治癩後風熱毒翳膜氣障遮睛以

瀉青丸治之大效初覺易治保命集云非癩後翳膜亦

能治之瀉青丸減大黃一半用之

已上方見醫學綱目

羌菊散 治小兒肝臟壅熱眼生浮翳

羌活 防風 山梔 各一分 甘草 菊花 白蒺藜

炒去火
各半兩

為末三歲五分食後蜜湯調下日三服

二草散 治小兒疳眼睛疼并赤眼腫痛

甘草

龍膽草

酒炒

當歸

細辛

各一錢

為末三歲一錢水半盞砂糖少許煎三分食後服三
黃丸亦治疳赤眼若因瀉痢後疳眼昏澁大便不實
者用六神丸六甲丸并暖疳藥

鷄肝散 治小兒疳眼不赤不腫不疼但閉畏明光此

藥治之

川烏 大者去皮
一枚生 好坏子 一
字

為末五歲一錢雄鷄肝一具淨洗去筋膜竹刀薄切
開摻藥在內箬葉包裹麻皮扎定用米泔水半盞磁
器中煮熟切作片空心臨冷食之將煮肝湯送下又
有腦熱閉目鼻內乾燥用通頂散治之 方見
前

小兒雀盲眼

還明飲 治小兒每至夜不見物名曰雀目

夜明沙 井泉沙 穀精草 蛤粉各等分

為末煎黃蠟九鷄豆肉大三歲一丸猪肝一片切開
置藥於內麻皮扎定沙餅內煮熟先薰眼後食之

合明散 治小兒雀日至夜不見物

楮實子

覆盆子

酒浸

車前子

酒蒸

石斛各兩

沉香

別研

半兩青鹽別研
半兩

為末煉蜜為丸如桐子大每服七十九空心鹽湯下

小兒肝脾等眼疾

養肝丸治小兒肝血不足眼目昏花或生眵淚

當歸

酒浸

車前子

酒蒸

防風

去蘆

白芍藥

熟地黃

酒蒸

麩子仁

別研

川芎

楮實子

各等分

為末煉蜜為丸如桐子大每服七十丸滾湯下不拘時服
車前子散治小兒肝經積熱上攻眼目額逆生翳血灌
瞳子羞明多眵

蜜蒙花

羌活

菊花

粉草

白蒺藜 草決明 車前子炒 黃芩

龍膽草

洗淨各等分炒

為末每服二錢食後飯湯調服

已上四方見袖珍方

草龍膽散治小兒暴赤火眼晝夜澁痛作腫淚多

草龍膽 木賊 荆芥 菊花

防風

草決明

半生半炒 甘草

各等分

每服二錢水煎溫服痛甚加羌活乳香

明目飲治小兒脾蘊熱肝受風邪致兩目羞明經久不愈

山梔仁 香附子

淨各一兩

夏枯草

半兩

每服二錢入蜜一匙水煎服

已上方見治
幼心新書

飛絲塵垢入目

治飛絲入目用頭垢點入目中即出神效

飛絲入眼用柘樹漿點了用綿裹筋頭蘸水於眼上
繳拭涎毒

又方飛絲入目以火麻子一合杵碎井花水一碗浸
攪却將浸水中涎抹自出神效

一方茄子葉杵碎加麻子法尤妙


丹溪飛絲落入眼紅腫如眯痛澁不開鼻流清涕用京墨濃磨以新筆塗入目中閉目少時以手張開其絲自成一塊看眼白上却用綿輕輕拭出則愈如未盡再治眯目鹽與豉置水中浸之視水其查立出

孫真人方

千金活稻麥芒入眼以新布覆眼上將鱗鱗從布上摩之其芒自着布上

山居物落眼中用新筆蘸水繳之

又方濃研好墨點立出



薛氏醫案卷九